

10.09.2014.



Upravni odbor Udruženja poslodavaca BPK Goražde održao je 09.09.2014.godine 34. redovnu sjednicu na kojoj su se našle dvije tačke dnevnog reda : Izmjena i dopuna Zakona o komunalnim taksama BPK Goražde i Izmjena i dopuna Zakona o porezu na imovinu, naslijeđe i poklon BPK Goražde.

Budući da je Zakon o komunalnim taksama BPK Goražde poništen na Ustavnom sudu Federacije Bosne i Hercegovine zbog pritužbe pojedinih privrednih subjekata, a zbog previsoke takse na istaknutu firmu koja se plaća na godišnjem paušalnom iznosu, stoga se pristupilo Izmjeni pomenutog Zakona koje je pripremilo Ministarstvo za finansije BPK Goražde.

Upravni odbor razmatrajući izmjene ovog Zakona smatra da nisu uzeti u obzir relevantni kriteriji za određivanje visine komunalne takse za istaknutu firmu kao što bi bili: veličina istaknute firme, broj radnika i drugo, već su kao kriteriji uzeti samo djelatnost i zone.

Upravni odbor također u svom Zaključku navodi da je nepravdano povećavati iznose komunalnih taksi za privredu te smatra da je u vrijeme vrlo teške ekonomske situacije i teškog privređivanja mnogih privrednih subjekata besmisleno povećavati komunalnu taksu za istaknutu firmu privrednih subjekata i na taj način još više opterećivati njihovo poslovanje.

Traži se da općine iz svoje nadležnosti kako je regulisano izmjenom člana 3. ovog Zakona svojim propisima regulišu ovu oblast na način da maksimalno smanje iznose komunalnih taksi na istaknutu firmu.

Druga tačka dnevnog reda koju je razmatrao Upravni odbor je Izmjene Zakona o porezu na imovinu, naslijeđe i poklon. Upravni odbor je donio slijedeći :

Z A K L J U Č A K :

Upravni odbor smatra opravdanim da se u članu 9. Zakona kao obaveznik poreza na imovinu doda pravno i fizičko lice koje je vlasnik ili korisnik bazne i mikrobazne stanice mobilne telefonije koje su instalirane na lokacijama na području općina u sastavu BPK-a Goražde i to u iznosu koji je naveden članom 10. Zakona tačkama 15. i 16.

Upravni odbor smatra neopravdanim u članu 10. tačka 5. povećanje poreza na imovinu za putničko motorno vozilo preko 2000 cm³ radne zapremine motora starosti do 5 godina sa 150,00 KM na 200,00 KM, od 5-10 godina starosti sa 100,00 KM na 150,00 KM i od 10-15 godina sa 50,00 KM na 100,00 KM.

[Zaključak: komunalne takse](#)

[Zaključak: porez na imovinu, naslijeđe i poklon](#)

Tehnička služba